

# Neqeroortitsinermi tunngavik

Kangianut aamma Kangerluarsuup tungaanut qimussit aamma snescooterit aqutaasa suliarisarnissaannut kiffartuussinermut isumaqatigiissut.

År: 2023-2025

18. oktober 2023

## Suliassap allaaserinera:

Neqeroorummut uunga kiffartuussinermut ilaapput, ukiuunerani qimussit illernginik aamma qamuteralaat aqutaannik atoruminarsaaneq kiisalu sisorartartunut ISP-mut illiniliuussineq. Kiffartuussinerup annertussusia silamit aallaaveqartartussaavoq ukiuuneranilu piffissap qanoq ilineraniluunniit suliarineqartartussaallutik. Ikinnerpaamik qaammammut marloriarlutik suliarineqartassallutik.

Qimussit illernginik aamma qamuteralaat aqutaannik aqutigissaanermik sullissineq, innuttaasunit tamanit assut eqqumaffigineqartarpoq, tassa ukiuunerani pissutsit atuunneranni qimussit illerngisa aamma qamuteralaat aqutaasa ingerlavikkuminarnissaannut sillimaniarnikkullu isumannaatsuunissaannut tamanna sunniuteqaqataasarmat. Taamaattumik sullissinerup pitsaalluinnartumik aamma piffissaq eqqorlugu suliarineqartarnissaa Avannaata Kommunanut atuisunullu pingaaruteqartorujussuuvoq.

Qimussit illernginik aamma qamuteralaat aqutaannik kiffartuussineq, sisorarfimmi manissaat maskiina imaluunniit assingusoq suliassamut naleqquttoq atorlugu ingerlanneqartarpoq. Qimussit illerngi sumiiffinni periarfissaqarfiusuni minnerpaamik sanimut 6 meter-iusussaavoq. Aamma qamuteralaat aqutaat minnerpaamik sanimut 3 meter-iusussaalluni.

Qulaani suliassat saniatigut illuaraqarfinni Aattartup qanitaaniittuni eqqakkat tamarnik illoqarfimmi ikuallaavimmut assartorneqartassapput.

## Suliarinnittussarsiortoq:

Suliarinnittussarsiortoq tassaavoq Avannaata Kommunia, Noah Mølgårdip Aqq. 9, Postboks 1023, 3952 Ilulissat. Suliarinnittussarsiortoq tulliuuttuni Kommunimik taaneqartassaaq neqerooruteqartorlu neqerooruteqartutut taaneqartassalluni.

## Suliarinnittussarsiortumi inuk attavigineqartussaq:

Suliarinnittussarsiortunerup ingerlanerani suliarinnittussarsiortumi inuk attavigineqartartussaq tassaavoq Anthon Frederiksen sianerfigineqarsinnaalluni tlf 38 77 26, [iml.antf@avannaata.gl](mailto:iml.antf@avannaata.gl)

### **Suliarinnittussarsiuussinerup ilusaanut akigititaq:**

Suliassaq tamanut saqqummiussilluni suliarinnittussarsiuunneqarpoq, malitsigisaatut isumaqatiginninniarsinnaanermut periarfissaqartitsisoqarluni.

Akigitinniagaq sulinerup aallartinneraniit suliap naammassineranut tiiminik atuineq malillugu akilerneqartassaaq. Neqerooruteqartoq pisussaavoq sulinerup aallartinneri tamaasa kommunimut nalunaaruteqartassalluni. Sulinerup sumi ingerlanneqarsimanera, sivisussusialu sulereernerup kinguninngua nalunaarutigineqartassaaq kingusinnerpaamik sapaatip akunnerata ataatsip qaangiutinnginnerani.

Neqeroorut tunniussineq aallarnerfigalugu pituttuisuussaaq aamma neqerooruteqartup neqerooruteqartitsinermi piffissaliussap qaanngiunneraniit sivikinnerpaamik ullut 40-t neqeroorutini attatiinnassavaa. Neqeroorummik tunniussinermut ajunngitsorsiassanik tunniussisoqassanngilaq. Neqerooruteqarnermi atortut ilanngussat ilanngullugit tunniunneqartut, kommunip pigisaatut isigineqassapput.

### **Sullissisup sulisui:**

Neqerooruteqartut/p sulisunik atuinissaq namminneq akisussaaffigissavaat/vaa. Suliassap isumaginissaa eqqarsaatigalugu sullissisup sulisuisa pisariaqartumik sulianut piginnaasaqarnissaat neqerooruteqartut/p akisussaaffivaat/vaa.

### **Sullissinerit:**

Neqerooruteqarnermut aamma sullissinermut tunngaviusut tassaapput:

- Suliarinnittussarsiuussinermi atortut uku neqeroorutit allassimaffiannik aamma iluarsissutissanut allattuiffimmik ilaqarpoq.
- Suliarinnittussarsiuussinermi uani pineqartumi, Kalaallit Nunaanni aamma nunat tamat akornanni inatsisit, nalunaarutit, oqartussaasut piumasqaataat, maleruagassat aamma malittarisassat il.il. atorneqarput.

Sukkulluunniit suliassap suliarinissaanut oqartussaasut akuersissutaannik pisariaqartunik tamanik sullissisoq peqassaaq.

Suliarinnittussarsiuussinermi atortunik tigusermi sullissisup, suliarinnittussarsiuussinermut atortut tamarmiunissaasa qulakkeernerisa saniatigut, inatsisit, maleruagassat aamma allakkat uppernarsaatit il.il. imarisaat aamma ilisimasussaavai.

Neqerooruteqartup neqeroorummik tunniussinissaa sioqqullugu, suliassap suliarinissaanut tunngatillugu suliassap annertussusia aamma sumiiffimmi pissutsit paasiniarneqarsimanissaat tunngavissaatitaavoq.

### **Sillimmasiineq:**

Sulinerup nalaani ajutoorsinnaaneq sillimaffiginiarlugu akisussaasutut sillimasiinerit pisariaqartut Neqerooruteqartup pigisussaavai. Sulinerup ingerlannerani ajoqusernerit tamakkerlugit neqerooruteqartup akisussaaffigai.

### **Akiliut:**

Isumaqatigiisumik piviusunngortitsinnginnerup kingunerisaanik suliassanik naammassinninngittoortoqarsimatillugu kommuni taarsiiffigineqarnissamik piumasaqarsinnaavoq, tamannalu

- Minnerpaaffittut piumasaqaatit eqquutsinneqanngikkaangata, sullissinernit itigartitsinissaq/akiliuteqartitsinissaq imalunniit ilanngaanneqarnissaq piumasarineqarsinnaavoq.
- Imeqarfiup killeqarfiata iluani qamutit motorillit pillugit Nukissiorfiit piumasaqaataat unioqqutinneqarpata, sulinerup siunissami ingerlaannarnissaata eqquutsinneqanngineranik nassataqarsinnaavoq taamaalillunilu isumaqatigiisummik atorunnaarsitsinermik kinguneqarsinnaalluni.

Takkutinngitsoornermi suliakkiisoq — akiliisitsinerup saniatigut - neqerooruteqartup akiligassaanic suliassaq suliaritissinnaavaa, taamaalilluni suliakkiisoq akisussaatinneqarsinnaassanani. Kinguaattoornerit uteqqiasut imaluunniit takkutinnitsoornerit, isumaqatigiisummik eqquutsitsinnginnertut suliarineqassapput.

Suliakkiisoq sivikinnerpaamik minutsit 60-it ingerlaneranni ikinnerpaamik tallimariarluni oqarasuaatikku sianersimappat sullissisumullu attaveqarnissaq angunngitsoorlugu — suliakkiisumut nalunaaruteqarnani/isumaqatigiisuteqarnani — takkunissamut piffissaliussap kingorna ullup ataatsip iluani sulisussatut atortussatullu isumaqatigiisutaasimasunik atugassiinngippat — takkutinnitsoornerit isigineqassaaq.

Pissutsit avataaneersut immikkut illuinnartut patsisigalugit piffissaliussamik sippuineq sullissisup erngersumik suliakkiisumut uppersaatitaqartumik nalunaarutigisimappagu, akiliuteqarnissamik piumasaqaat atorunnaarsinneqarsinnaavoq. Pissutsit avataaneersut immikkut illuinnartut assersuutitut taaneqarsinnaasut tassaasinnaapput, atortuutininik ajoquteqarnermik imaluunniit silap pissusai immikkuullarilluinnartut il.il. pissuteqartumik kingusinaartumik takkunneq.

### **Piffissamut pilersaarut aamma piffissaq isumaqatigiisuteqarfiusoq:**

Suliarinnittussarsiuussineq ingerlanneqassaaq piffissamut pilersaarut tulluuttoq malillugu:

1. 20. oktober 2023 suliarinnittussarsiuussineq tamanut saqqummiunneqassaaq aamma kommuni nitartagaatigut,
2. 31. oktober 2023 paasissutissanik pissarsiniarnissamut periarfissaq kingulleq,
3. 7. november 2023 neqerooruteqartitsinermut piffissaq killigititaq,
4. 9. november 2023 neqerooruteqartut suliarinnittussarsiornermi inernerusunik ilisimatinneqassapput,

5. 15. november 2023 piffissaq upalungaarsimaffissaq aamma suliarinniffissaq aallartissooq,
6. Piffissaliussaq suliaqarfiussusaq siulleq 15. November 2023-imiit 15. Maj 2024,
7. Piffissaq suliaqarfiussusaq tullia 15. november 2024-imiit 15. Maj 2025.-imut.

15. november 2023 suliassaq tunniunneqareersimasinnaasoq naatsorsuutigineqarsinnaavoq.

## **Qularnaveeqqusiineq sillimmasiinerlu**

Isumaqatigiissutip atsiorderani neqerooruteqartoq sillimmateqarnerminik takutitsissaaq, aningaaseriviup qularnaveeqqusiineratut iluseqartumik.

AP95-imi § 6-imi qularneveeqquteqarnerup annertussusissaatut, neqeroorutitut tunniunneqartup 5 %erissagaa aalajangersarneqarpoq.

### **Piffissaq neqerooruteqarfiusoq:**

Suliarinnittussarsiuussinermi atortut ilai paasiuminaassimassappata neqerooruteqartoq neqeroortitsisup attaveqaatigititaanut paasissutissanik piniartoqarsinnaavoq kingusinnerpaamik neqeroortitsinermut piffissaliussap killinga ullunik arfineq marlunnik sioqqullugu.

Apeqqutit akissutillu, iluarsiiisutitut allattuiffiit kiisalu ataatsimeeqatigiinnissamut aggersaanerit, kommunip nittartagaa aqqutigalugu tamanut saqqummiunneqassapput, neqeroorutip tunniunneqarnissaa sioqqullugu, neqerooruteqartup iluarsiiisutitut allattuiffiusinnaasut kiisalu apeqqutit akissutillu, paasisimanissaat neqerooruteqartup akisussaaffigaa.

### **Neqeroorummik tunniussineq:**

Neqerooruteqartup neqeroorummik tunniussinerminut atatillugu, suliassat tamaasa immikkut neqerooruteqarfigiomasani pillugit neqerooruteqarnermi immersuiffissamut allattussavai. Suliassanut neqeroorummik tunniussiffiusunut tunngatillugu, neqeroorummi allattuiffimmi paasissutissanik immersuiffissat immersorneqarsimassapput ataatsimoortillugillu ataatigut atsiorneqarsimassallutik.

Neqerooruteqartup neqeroorummi nassuiassavaa, qamuteralaat aqquaat (1) imaluunniit (2) qimussit aqqutissatut suliarineqassanersoq, taamaalilluni ukiuni kingullerni UNISCO-mut aamma Namminersorlutik Oqartussat imeqarfimmut killigititaannut piomasqaatit malillungit qimussit aqquataannut atassuserneqarsinnaammata.

Taamatuttaaq qimussit illineqarfigisartagaat imaluunniit aqqutissaq alla atorneqassanersoq pillugu nassuiaammik neqerooruteqartoq tunniussaqaassaaq.

Neqeroorut pappialanngorlugu ataatsimik ataatigut atsiorneqartoq tunniunneqassaaq.

Neqeroorutit tunniunneqartut, piffissaq isumaqatigiissuteqarfiusoq naallugu atuutissapput. Aamma pisut immikkut illuinnartut, isumaqatigiissutip atuuttunngortinnerani illuatungeriinnit siumut takorloorneqarsinnaanngitsut, aatsaat pinerini allanngortinneqarsinnaallutik. Neqeroorut pappialanngorlugu nassiunneqassaaq/tunniunneqassaaq uunga

Avannaata Kommunia, Avatangiisinut Ingerlatsivimmullu  
immikkoortortaq. Noah Mølgårdip Aqq. 9  
Postboks 1023

3952 Ilulissat,

Uunga: Att. Anthon Frederiksen

### **Tunniussivissatut piffissaliusaaq tassaavoq:**

Marlunngorneq ulloq 7. november 2023, nal. 14.00 Kalaallit Nunaata kitaani nalunaaqutaq malillugu, piffissami tassani neqeroorutit ammarneqartussaananerit eqqorlugu. Ammarterinerup malinnaaffiginissaanut tikilluaqqusaavutit, tamanna teknikkeqarnermut ingerlatsivimmi pissaaq, tassunga aamma neqeroorutit tunniunneqartussaapput.

Unammilleqatigiinnermut tunngasut patsisigalugit, neqeroorut allakkat puuannut matoqqasumut ikillugu tunniunneqassaaq ilisarnaateqqassallunilu "Allakkanik tigooraavimmit ammarneqassanngilaq — Neqeroorut: Qimussit illernginik aamma qamuteralaat aqqaannik kiffartuussineq".

Allakkat puuani allassimassaaq, neqerooruteqartup aqqa, najugaa aamma inuk attavissaaq (suliffeqarfiup naqissutaa atorneqarsimappat). Soorlu neqerooruteqartumisut.

Neqeroorutit kingusinaartumik tiguneqartut, atorsinnaassanngillat.

### **Allaannerusunik neqerooruteqarneq:**

Allaannerusunik neqeroorutinik tunniussisoqarsinnaavoq. Allaannerusunik neqerooruteqarnermi, suliarinnittussarsiuussinermi nassuiaatigineqartutuut piumasaqaatit aamma qimussit illernginik aamma qamuteralaat aqqaannik kiffartuussinermi piumasaqaatit minnerpaatut eqquutsinneqassapput.

Allaannerusunik neqeroorutit, immikkoortuni nassuiaateqarfiusimasuni allaaserineqarsimasunut sanilliullugu neqeroorutit sutigut allaanerussuteqarnerisut pillugit sukumiisumik nassuiaammik ilaqqartinneqassapput. Allaannerusunik neqeroorutit akii aalajangersarneqassapput.

### **Mianerisassat:**

Peqatigiiffittut aaqqissuussat nalinginnaasumik mianeriumasaat, neqerooruteqarnermut atatillugu ilanngunneqarsinnaassapput.

Mianerisassat allat, pingaaruteqannginnerusutut kommunimit isigineqarsinnaassagunik, qanoq akeqarnissaat kommunimit aalajangersarneqassapput aamma neqeroorutip katillugu akianut qanoq akeqartitsitsineq ilanngunneqassaaq.

Suliarinnittussarsiuussinermi atortut ilaannut tunngaviusunut atatillugu mianerisassat kiisalu mianerisassat aningaasanik nalilerneqarsinnaanngitsut kingunerissavaat, neqeroorutit atornerqarsinnaanngitsutut nalilerneqarnerat. Suliarinnittussarsiuussinermi mianerisassat, neqerooruteqarnermi taaneqarsimanngitsut, neqerooruteqartumit akuerineqarsimasutut isigineqassapput.

### **Neqeroorummut piumasagaatit:**

Neqeroorut qallunaatut imaluunniit kalaallisut allassimassaaq.

Suliasamut neqeroorut, neqeroortitsinermi immersugassat immikkoortui immersorlugit tunniunneqassapput. Suliassat tamakkerlugit neqeroortumik tunniussinissamut, neqerooruteqartoq pisussaaffeqartinneqarpoq.

Suliassami suliassat tamaasa ilanngullugit kiffartuussinermut ilaassapput. Suliassaq akigititassaq aalajangersimasoq aamma piffissaq akiusup atuuffissaa aalajangersimasoq ilanngullugu suliarinnittussarsiuunneqarpoq.

Neqerooruteqarnermi allattuiffimmik immersuinerup kingorna, neqerooruteqarnermi allattuiffik tunniunneqartinnani/nassiunneqartinnani, malitsitut naqiterneqassaq ataatigullu atsiorneqarluni.

Kalaallit Nunaanni moms-imut taarsiullugu kiffartuussinermik ingerlatsinermut akiliuteqartitsisoqarneq/akiliuteqartoqarneq ajorpoq.

Suliassamik suliarinninnissamut atortussat suut sulisullu kikkut sullissisup atorniarnai, sullissisumit nassuiaateqarfigineqassapput.

Tunniussinermiit neqeroorut pitutuisuulissaaq aamma neqeroortitsinermut piffissaliussap qaanngiunneraniit sivikinnerpaamik ulluni 40-ni suliffiusuni, neqerooruteqartup neqeroorutini attatiinnartussaavaa. Neqeroorummut tunniunneqartumut ajunngitsorsiassanik tunniussisoqassanngilaq. Neqerooruteqarnermi atortut tunniunneqartut ilanngussat ilanngullugit, kommunip pigisaatut isigineqassapput.

### **Neqeroorummik toqqaaneq:**

Neqerooruteqartup neqeroorummik tunniussinermut atatillugu paasissutissat tulliuttut tunniuttussaavai:



- GER-nummer, Kalaallit Nunaanni inuussutissarsiutit nalunaarsuiffianni suliffeqarfiup ilaaneraniq uppersaataasoq.

### **Neqeroorummik toqqaaneq:**

Neqeroorummik tunineqartoq, suliassaq aki appasinnerpaassasoq piumasaqaataasoq aallaavigalugu toqqarneqassaaq.

Taamaattoq kommunip neqeroorut itigartissinnaavaa, neqerooruteqartup suliassaq naammaginatutimik pitsaassuseqartumik, pissusissamisoortumik illersorneqarsinnaasumillu periuseqartumik imaluunniit piffissaq eqqorlugu sularisinnaanngikkaa assut ilimanaateqartoq isumaqarfigineqarpat.

Taamaattumik akip saniatigut pingartinneqarpoq, suliassap sularinissaanut atortussat pisariaqartut sulisullu atorfissaqartinneqartut sullissisumit atugassiissutaasinnaanerit, taamaalilluni piffissamut pilersaarut malinneqarsinnaassalluni.

### **Ilanngussat:**

Neqerooruteqarnermut                      allattuiffik                      il.il.

Neqerooruteqartitsinermit nassuiaat

Nunap assinginiq takussutissiaq

Inussiarnersumik inuulluaqqusillunga

Anthon Frederiksen  
Avatangiisinut Ingerlatsivimmullu immikkooortortaqarfik,

Avannaata Kommunia  
Noah Mølgårdip Aqq. 9  
3952 Ilulissat  
Oqarasuaat +299 38 78 00  
Toqqannartoq. +299 38 77 26  
E-mail: [antf@avannaata.gl](mailto:antf@avannaata.gl)  
Webmail: [Avannaata. gl](mailto:Avannaata.gl)